

大清宣統元年五月初六日

局設河北獅子林

電話第五十二號

# 北洋官報

目錄

宮門抄  
 上諭  
 交旨  
 奏議○會議政務處奏請覆學務條陳摺△又奏請覆改  
 兵備道為兵備使司片△晉撫寶奏創設圖書館摺  
 公牘○督憲札一件△通州巡警局董東一件△豫學詳  
 一件  
 文告四則△電報六則△新聞十四則  
 彙編○報告茶務成績  
 附錄○湖北宜昌第二圖

本報今日加印  
 本局第一百二期  
 法政學報  
 已出頁

## 宮門抄

五月初五日 民政部 都察院 正黃旗值日 壽耆由 東陵回京請 安 直隸補用道陳紹祖  
 謝恩 顧璜因子以外用謝 恩 阿公請假十日 王之範 顧祖彭 長潤 趙從蕃 松籟  
 龍建章 伺候 召見 召見軍機 王之範 顧祖彭 長潤 趙從蕃 松籟 龍建章 都察院遞  
 封奏二件 李殿林遞封奏一件

## 上諭

五月初五日內閣奉  
 上諭江蘇巡撫著瑞澂補授欽此  
 上諭江蘇布政使著陸鍾琦補授欽此  
 旨車登索諾木所遺之烏里雅蘇台叅贊大臣員缺著三音諾彥部落副盟長扎薩克多羅郡王庫魯固木扎布補授欽此

## 交旨

西歷一千九百九年六月二十三號 禮拜三 第二千一百九號

五月初五日 軍機大臣欽奉

諭旨此次查驗詢問保薦人才著仍派那桐梁敦彥瑞良嚴修俞廉三欽此

諭旨李殿林奏驗收度支部內倉並唐古忒學等項工程一摺知道了欽此

諭旨都察院代奏翰林院檢討范桂馨等以已故知府凌松林兩世循良一門忠孝臚陳事實請宣付史館立傳專  
論旨都察院代奏湖北舉人曹林條陳學務弊竇呈一件著學部知道欽此

### 奏議錄要

#### 會議政務處奏議覆翰林院侍講阿聯裁缺司業蔭桓奏陳學務摺

奏為遵 旨併案嚴議恭摺覆陳仰祈 聖鑒事光緒三十四年十二月初十日奉 諭旨翰林院侍講阿

聯奏八旗生計首重教育請設學務處摺又奏請將普通學年略為縮短片又奏請將蒙古子弟留學京師特設一

班片會議政務處議奏欽此竊維學校之制度與管理之法則因革損益均貴因時以制宜初無一成而不變其幾

經斟酌盡善者亦未便輕事紛更貽朝令夕改之誚查該侍講原奏內稱籌畫八旗生計宜從講求教育入手擬援

宗室學務處之例請 旨飭下學部特設八旗學務處一所奏派通曉學務之八旗大員經理其事本變通旗制

處妥籌教養之宗旨而辦法則受成於學部各等語立說不為無見臣等正在籌商未及覆奏旋准學部咨奏裁缺

司業蔭桓奏請設八旗學務處應由會議政務處併案核議於光緒三十四年十二月十二日奉 旨依議欽此

欽遵恭錄 諭旨鈔錄原奏等因咨行前來臣等查核裁缺司業所請特設八旗學務處一所與阿聯原奏大致

相同案舊制宗室八旗覺羅官學曾經 欽派總理八旗官學事務大臣管理二十八年奉 上諭改設宗

賦覺羅八旗中小學堂後遂不別設大臣而專歸總理學務處管理三十一年總理學務處事務殷繁又推廣八旗

師範中小學堂因於高等學堂內附設八旗學務處仍受成於總理學務大臣自恭奉 明詔設立學部教育

之事悉歸考核管理該部因京師學務漫無統紀乃奏設京師督學局稽核官公私立各中小學堂宗旨之純駁功

課之良否暨檢定教員考試畢業以為提綱挈領之所八旗學務亦歸督學局經理冀收教育統一之效惟日來京

師創立各項學堂已月異而歲不同似非督學局一處所能通籌辦理上年欽奉 諭旨設立變通旗制處尤須  
預籌生計擴充教育為將來融化之地八旗學務當更繁重應另有經理之所方足專責成而促進步擬請 旨  
允其設立八旗學務處一所由學部遴選熟習八旗學務人員奏請 派充總理協理除八旗高等學堂仍歸學

部統轄外其各項中小學堂即請徑歸學務處管轄遇有重要事件仍秉承學部辦理其平時選用教員核定功課即責成該處總理遵照學部奏定章程認真經理並隨時知照督學局存案以資考核而重學務又原奏所請每年添籌經費銀十萬兩一節查從前宗學及八旗官學曾經每年請領部款自二十八年改設學堂後當經奏明將從前年領部款並學生膏火併入每年共請領十萬兩以之辦高等學堂附設中等班一處高等小學堂八處僅乃數用前年增設初等學堂十五處係由學部籌款辦理現在預備立憲自以教育普及爲急務應請 飭下度支部每年撥八旗教育經費六萬兩仍歸學部按季支領轉發八旗學務處應用以資推廣並將內務府三旗小學堂及香山健銳營外火器營新設小學堂酌量補助藉使徐圖普及廣植英才又該侍講另片奏請 飭下理藩部

妥商蒙古王公令擇聰穎子弟來京游學於學部奏設之滿蒙文高等學堂或理藩部所設之蒙文館內爲特設一班以宏造就而廣 皇仁一節查蒙古爲 王室屏藩關繫綦重徒以教育未興風氣閉塞一應籌邊事宜無從置辦是蒙藩之開化實爲今日要務本年閏二月十八日欽奉 上諭憲政編查館奏遵設貴胄法政學堂擬訂章程各摺片現正預備立憲需才孔亟凡宗室外藩王公滿漢世爵若不預爲培植其何以儲政才而裨治本應即設立貴胄法政學堂以廣造就等因欽此本月初八日陸軍部會同度支理藩等部奏覆署理歸化城副都統三多奏請選送內外蒙古王公以次勳舊子弟入陸軍部貴胄學堂肄業一摺章程內開蒙古王公以次勳舊子弟於內地語言文字未必通曉不能與貴胄學堂本班學堂一同教授應附入該堂另爲一班定名曰陸軍貴胄學堂蒙

旗世爵班等語亦蒙 俞允在案是該侍講所陳業經分別籌辦又另片請將普通學年略爲縮短及文實兩科分立各節查修業年限既經學部分別奏定自應全國一律以昭劃一如縮短畢業期限則中小學堂畢業生將來升入高等學堂恐轉因程度不及而多所窒礙至謂入手之始不得不略從簡易日本通行教育已歷三四十年至今普通科始行延長等語查日本明治五年以後學制大率兩等小學通定爲在學八年其有不及八年者各於其年限外得置三年以內之補習科三十三年之改正令則定尋常小學校修業年限爲四年高等小學校之修業年限爲二年或三年或四年補習科之修業年限爲二年以內中學校修業年限爲五年覈與入手時普通學科年限之數相符並非至今始行延長如慮修業年限太遠小民急謀生計力有不及現查學部奏請將小學簡易科分爲

兩類一類程度較深定爲四年畢業一類程度較淺定爲三年畢業聽民間自爲忖度擇入其中學堂課程分爲文實兩科均於本年三月二十六日奉 旨允准欽遵在案所請應一併毋庸置議所有臣等併案駁議各緣由謹合詞恭摺具陳伏乞

皇上聖鑒訓示謹 奏宣統元年五月初二日奉 旨已錄

又奏議覆御史石長信奏請改兵備道爲兵備使司片

再閏二月初八日軍機處鈔交御史石長信奏請改各省兵備道爲兵備使司監督該省營務一摺奉 旨著會議政務處議奏欽此原奏內稱中國陸軍仍無起色大都責任不專無熟諳輅略大員以資董率擬請各省設立兵

備使司等語查軍事重要自應設專員以重責成東西各國於軍管區限必有軍司令處以爲總匯之地中外情形較異故從前練兵處奏定章程凡練兵及一協以上者卽於省會設督練公所以督撫督率籌辦而別設叅議官及兵備叅謀教練等處分任各職誠以戎樞所在任重事繁自非僅一司道所能董理現在陸軍部於籌備憲政事宜摺內已奏明本年釐訂各省督練公所官制爲改設軍司令處之預備應俟憲政編查館核定後由該部籌訂請

旨施行至各省向設之兵備道本爲巡守各道兼銜雖係節制綠營然其職守止在鎮撫彈壓仍以地方之責爲重與專掌兵事者其性質較有不同擬俟外省官制實行釐定時應否參照前年臣等會奏直省官制通則將分巡分守各道一律裁撤而於距省遠遠地方應須大員鎮懾者仍酌留道缺卽名爲兵備道或一員或二員請

旨設置之處由督撫察度情形再行核辦該御史所請改兵備道爲兵備使司應毋庸議原奏又以陸軍部所定鎮數而外加以海軍財力自有未逮因請於濱海省分設海軍學堂並先練雷艇一隊其餘省分仍練陸軍等語查海陸兩軍表裏相濟因地制宜然居腹地者於艦隊固可緩營而處海疆者於陸師似難偏廢至海軍預備自在先設學堂徐圖組織完善此事應由 欽派專司籌議海軍之王大臣併案核議統籌辦法奏明辦理所有臣等會議緣由謹附片具陳伏乞 聖鑒謹 奏宣統元年五月初二日奉 旨已錄

### 山西巡撫寶棻奏創設圖書館摺

奏爲晉省創設圖書館以保國粹而惠士林恭摺仰祈 聖鑒事竊維自古文治之昌靡不網羅載籍囊括藝文

前史所稱指不勝屈我 朝稽古右文四庫儲藏之富爲歷代所未有又存其副於江浙之文宗文匯文瀾俾東南之士瀏覽其中是以文學彬彬遠邁前古近日東西各邦於都會所在莫不有博物圖書之館爲士人觀覽之場廣厦萬千瑯函委疊非獨考獻徵文之助實爲育才興學之資茲查學部奏定學務官制權限暨教育會章程均以設立圖書館爲要務近年直隸山東湖南湖北等省亦皆先後報立漸啟規模晉省雖僻處山陬然其地爲唐虞舊都聖神遺澤歷久常新春秋時韓起羊舌肸之徒以博學多聞重於列國至隋世王通講學河汾一時如魏徵房元齡輩皆出其門自是風流邇邇代有聞人今當振起士風必先旁羅典籍勒得省城學務公所之西偏隙地於光緒三十四年創建圖書館計楹樓五座廊屋四十七間閱覽室五間標本陳列所五間北面接待所五間經營累月始克落成館內所藏經史子集一萬八千卷東西各國科學書七百餘種九流七略共識淵源斜上旁行咸歸甄錄又本省土產亦搜爲標本分所列陳凡茲草創之規尙屬樞輪之制此外東南各省凡有專家著作以及新譯圖書均擬次第調取以廣皮藏擬訂管理閱覽章程派員專司典守由提學司詳請具 奏前來奴才查學問之道必求本末具備體用兼賅現風氣日漸開通而學術轉虞龐雜豈知中國數千年來大經大法之垂足與天地相持於不敝而古今異勢其所爲因時而濟變者又不得不舍舊圖新以求適於當世之用今者儲四部之善本收列國之寶書兼綜博採俾保存國粹與輪進文明兩者均無偏廢於以贊維新之化發思古之情是圖書館之設其有裨於教育者實非淺鮮惟是地處偏隅又限於經費一時未能求備當飭該司督率管理之員妥爲收儲仍當設法籌款將應置各書次第添購及分赴各省調取尙有未盡事宜並由該司續籌辦理以期漸臻完備除分咨查照外所有晉省創建圖書館緣由理合恭摺具陳伏乞

皇上聖鑒訓示謹 奏

宣統元年四月二十九日奉

硃批知道了欽此

### 公牘錄要

督憲楊准粵督咨爲奏調第六鎮統制趙國賢赴粵統制新軍事咨明專司訓練大臣鳳都統等查照文

爲咨明事案准 兩廣督部堂咨開案照本部堂於宣統元年三月初十日附片具 奏請准潮州鎮總兵趙國賢來粵統率新軍緣由除俟奉到 硃批恭錄咨行外相應抄錄片稿咨會爲此合咨貴部堂請煩查照施行計粘

抄片稿一紙等因到本大臣准此查該鎮趙國賢統制第六鎮係歸 近畿督練處管轄除咨覆外相應備文咨明 貴都統貴副都統請煩查照施行

通州巡警第三局局董馬遇葵等稟通境運河鮎魚溝分洩運水向無堤壩現擬建築堤壩文並批

稟爲通境運河鮎魚溝原爲分洩運水要道向無堤壩壅遏今聞不日建築堤壩誠恐禍及羣黎急迫無法公同來 津叩懇 督憲老公祖大人查核批示以安民心事竊通州運河來源於口外爲七水總匯鮎魚溝原爲分洩運水 要道宜通不宜塞其來源洩洩另繪圖呈閱自去歲武清縣紳民稟請堵築鮎魚溝以防水患職等已於去歲詳訴 遂將先年所稟底稿抄列清摺並呈有卷可查毋庸再讀當已蒙批稟摺均悉此案已面囑通永衡道創建開壩隨 時啓閉仰該道查照飭知等因在案職等敬聆之餘莫名欽感回憶隨時啓閉之示明示於溝身建開水小則閉以 歸運水大則啓以分洩並無築堤之文仰見策施兩全不使有顧此失彼之至意職等遵批回籍是以至今餘未 敢煩瀆昨聞武清縣紳民違批合衆勒佔鮎魚溝聲稱溝身建開兩傍仍築五尺大堤不日興工職等田廬盡沿運 河聞此信息深爲惶恐緣自停河運以來河底日見淤高官堤日形殘薄卽以去歲八月十一日河水漲發而論尙 有鮎魚溝洩洩宜暢而通香寶甯四州縣猶且一帶汪洋禾稼盡被淹沒設若將該溝建開兩傍再築大堤合七水 而歸一河來源廣大去路不通運堤必致潰決沿河四州縣人民盡付於洪濤巨浪之中其害何堪設想職等既有 所聞除在通州稟請轉詳 憲天核辦外理合稟明爲此來津叩懇 督憲老公祖大人恩准查核批示祇遵則各 屬蒼赤共沐恩膏靡涯矣

督憲楊 批據稟已悉仰水利局派員前往查明稟由該局妥議詳覆核奪稟抄發圖併發仍繳 河南提學司詳撫院遵批核議教育總會條陳學務改良辦法文

爲違批核議詳奪事宜統元年二月初二日奉憲台批據教育總會呈條陳學務並改良辦法事宜由奉批來牘及 摺均閱悉本省學務雖經辦理有年率以經濟艱窘人材缺乏補苴遷就枝節爲之故一切辦學事宜未能日有起 色每念校風糲雜教術凌夷未嘗不感慨繫之該紳等統籌全局條舉大綱謀普及之方作改良之計而尤以道德 性理爲教者學者示之準繩宏願熱心良深慰佩除省城應行整理籌設各端隨時由本部院督司籌辦外仰提學

司逐條細核妥議詳奪飭遵並先移會該紳等知照繳來牘及摺併發仍繳等因奉此本司竊維教育行政以國民普及爲歸以振起精神爲尙以保全國粹轉移風尙爲首圖以鼓勵官紳寬籌的款爲著手中中國興學數年其拘執成見之士夫不明教育方針沿科舉之潮流持悠謬之學說動以學堂人材短絀習氣囂張爲病不圖挽救之方徒生阻撓於事何補謂今日學堂辦理不善則可謂將來中國富強不由於學堂徧設斷非通論該紳等能見及此謀普及之方作改良之計宏願熱心誠如憲諭夫學校所以明人倫垂風教今日學堂與三代之庠序名異實同不能專以拔取考試立論昔日爲利祿就學今日爲科學入校其就學本意已屬殊科昔之造就在少數之科甲今之造就在多數之國民其設學宗旨尤爲迥別且國家注重諮議選舉及地方自治皆恃教育爲根本九年預備立憲之限受教育者必及二十分之一此豈可臨時措辦故教育普及爲今日第一問題各省公私各校教科之冊未頒講授各隨風氣新學方萌舊學萎謝國粹不保既恐微言大義之湮邪說紛乘且有世衰道微之懼憲台所謂校風糅雜教術凌夷誠長慮却顧之言亦今日各省通病故改良小學教授爲今日第二問題本司特擬改良私塾章程專取簡易可行爲默化潛移之計既謀普及之方卽寓挽回之意另文呈候核奪如能辦理得人視該紳等所擬分年設學之數尙或過之查各國興學有必歷之階級有漸進之程度豫省風氣遲開至近日機關略備所謂形式粗具然後再振其精神惟目前之困難則各州縣之敷衍各學董之觀望各屬學款之支絀雜沓該紳等目擊情形言之深切本司逐加核議竊以爲鼓勵官紳非嚴定考成不足以資勸懲整頓學款非明示定章不能以歸一律查各州縣之於學務率視爲不急之務或畧代不久任意揆延以俟來者或前任甫經創辦後任任意更張抑人揚己不互相委卸卽互相詆議擬請憲台嚴定考成各分大中小縣縣各幾區區各幾校校中學生幾人科學是否完備交代時列入表冊與省視學所查參互比較校所有增設學生有進步記功校所如故學生有退步記過進退特異者記大功大過分別保獎參撤以資策勵至勸學所教育會各屬雖已設立開辦之始通材較少不免遷就以後應明定功過劃清權限熱心辦學者記功任意玩忽者記過或不肖紳衿把持學款干預詞訟查明撤懲倘有不肖官長任意壓制熱心之士遂其敷衍之計者許該紳董以鈐稟條上院司以憑查辦勸學所權限亦另擬專章候核至酌定獎勵辦法據稱仿照直隸新章以示鼓勵查外獎功牌凡有捐錢辦學者均可照獎今自實輸報効外視其勸立

學堂及捐辦棹堯書籍者分別等次照章給予是以虛銜而收實效俾各處聞風興起獎勵之法莫善於此惟每堂棹堯仍責成地方官及監督堂長核實估計如實值百五十千及百千五十千之數者方准請獎不得徇情冒濫通歸核實辦理至各屬學款支絀幾於衆口一詞大縣尙有款可撥貧瘠之缺毫無憑藉一籌莫展信以推諉將欲籌普及之學必爲之開不竭之源方能永久不敝現在各屬援例舉辦之車馬捐貨捐斗捐呈捐契捐祠廟產各捐固皆有地方稅之性質撥歸學務未始非宜然只可挹注一時若非籌大宗的款明定章程不足以資整頓中國地丁並徵本有永不加賦之禁而隨糧攤捐之案亦已數見不鮮欲籌教育之普及自以人人擔負爲主義糧捐者取之大公而收數尙鉅尤可爲興學專款近日鄆城隨糧繳捐辦法尙爲無弊擬請憲台飭下藩司糧道籌款所釐稅局會核定章通飭辦理由官經收由紳支領造報以期經久無弊並將以前車馬呈契各捐畫清子目已歸學款者永作學堂經費其糧捐難遽創辦之處須先多撥數款以濟要需至云其餘就地酌籌及以上所列有宜統籌酌提以爲省城之用者有僅可爲本境之需者應俟調查明確會議決定再訂詳細辦法其餘針砭士習四條又切中近日校風之病擬由本司另文通飭各學堂錄入通行規則之中張貼講堂俾學生咸知奮勉庶不難養成高尚完全人格矣所有違批核議緣由理合詳覆憲台鑒核並將原摺呈繳爲此具呈伏乞照詳施行

### 文告錄要

督憲批示錄要○調查局詳繪就光緒三十三年分旗營收支暨戶口表式由 批據詳已悉候將統計表式分別咨行查照辦理此繳

藩台批示○職商陳嘉瑞等具稟源昇官銀號匠人請改派陳慈壽代辦一案 批據稟案經清苑縣訊明斷結沈

夢九情願將股本銀五百兩撤出並將銀匠紅名撤銷請改派陳慈壽代辦究竟此項股本銀兩是否當堂如數交清沈夢九原立合同字據同司發諭帖已否追交候據稟行縣查明詳覆至所援換人代辦之案查係當時由外通融辦理並無稟明案據惟所稟陳慈壽果否殷實可靠堪以代辦一併飭縣確切查明按照向章取具環保甘結由縣加具印結送司再行核辦此札

保定工巡總局告示○爲出示嚴禁事照得商民人等道路裸體攸關風化例禁綦嚴伏查 憲政編查館奏定違

警律會將道路裸體之事列入第三十六條凡有犯者五元以下一角以上之罰金等因本總局業經出示曉諭在案各該民人允宜遵守律條各安本分勉爲善良萬不可袒裼露臂在街遊行即至五六歲小孩亦未便聽其裸體在外行走其餘夜間道路旁邊支搭板橙赤身睡臥既不雅觀尤碍衛生他如夜靜之時往往有人貪圖涼爽睡臥房上殊不知感受夜寒易生瘧疾不但於各人身體諸多妨害且於公衆治安亦大不便何則凡至夜分無論何人均須關閉門戶息燈安寢似此不自檢束難保不有宵小之徒從中潛伏窺伺偷竊等事種種不合亟宜禁止除傳飭城關各分局認真查禁外合再出示曉諭爲此示仰諸色人等知悉自示之後務當各加謹慎毋蹈前愆偷敢故違一經查出定即按照違警律分別罰辦決不寬貸毋謂言之不預也懷之切切特示

天津縣議事會文件公告○代陳挑挖滹沱河舊道恐貽水患一案現奉 督憲批示內開稟圖均悉查藁城縣議

挑滹沱河舊道工程現已改委林守際康前往查勘在案候據稟將說帖所開各節札行該守併案查覆核奪此繳○代陳蔡長清困苦情形懇請批示遵行由一案現奉 督憲批據稟已悉查此項淤地前經天津府勸明係在堤外蔡長茂既不得認爲祖遺祠中亦不得認爲祠產例應入官前任天津縣陳令未經勸丈率行給與印契本屬錯誤業將印契批銷由官經理旋據天津吳鎮等稟以該地實係祠內隙地批飭劃清界限仍歸周張聶三祠經管後由李署臬司等以此項淤地既歸祠內管業地方官工程局均不得干預飭令由祠立碑以垂久遠各在案該民人毋得再行妄竄致干查究仰即飭遵繳

## 電報錄要

路透電○英皇之魚雷艇薩布赫號在丹智尼斯地方附近遇霧與威利森公司輪船相撞該艇中部受傷甚重不能行駛水手竭力補救并用機抽水後由他輪拖至道威海口水手由萊德德救生艇并輪船兩隻救出尙無損傷聞威利森公司之輪船亦名薩布赫

又電○美京電云德國答覆美國對於中國借款問題詞意甚爲親密英法兩國竭力反對

柏林電○德皇現行抵漢伯克

又電○希臘政府現在預備觀兵於克里德島法外部大臣比昌氏對內閣各員云現接土國來函關於克里德島

問題允許列強兵艦停於蘇達海灣至一千九百十年爲期

又電○法政府預算財政虧短一百零五兆佛郎

又電○歐洲各國報紙均謂此次俄德兩皇相會甚爲親密俄德兩國同時宣布謂俄德邦交日臻親近所有近日

各交涉勿庸列強會議即可了結云

## 新政紀聞

政治

通飭巡警聽講警律○京師內城總廳章廳丞日前傳諭各區每日每區派巡官二員巡長八名分赴講習所聽講

違警等律並責成各長官每日與各巡警解說一切有關警務之律云

地方自治研究所成立○京師早城門內右三區現經官商組織地方自治研究所一處並附設閱報所已於五月

初三日開辦矣

第一初級審判檢察廳成立○吉林吳提法使以長春訴訟事件繁多不得不先設立第一初級審判廳特札派地

方審判廳候補推事陳君仲良爲第一初級審判廳推事派地方檢察廳行走員高君壽慈充第一初級檢察官

並領發第一初級審判檢察廳關防兩顆該廳於上月二十日奉到行知當於次日開用關防並咨會各衙署局

所知照惟聞第一初級審判現附屬地方審判廳內辦事一時尙不能另立法廳云

藩轅添委新政文案○署蘇藩左方伯因現當籌備立憲之際各屬稟陳公務關涉新政者較多非有專辦之員恐

多貽誤爰特遴委候補縣文大令永譽爲本轅新政文案委員以專責成業於上月杪下札飭知矣

巡警總局添委差遣○蘇垣巡警總局近因整飭警務差遣需材邊派畢業生七員到局專備驅策等情茲經總辦

馮觀察恐不敷應用特再添委蕭大令泗助吳從九甄果二員幫同差用大令等奉札後遵於日前稟知到差矣

學務

學部奏咨輯要成書○學部自開部以來奏訂各項章程及通行各項文告事閱七年而各省實力奉行者尙復寥寥近日該部搜集歷年所奏所咨各案擇其可爲典要者彙成一編名曰奏咨輯要現已印刷完竣不日頒行各

省俾學務官紳人手一編以期收教育統一之效云

勸學所請獎興學紳士○江蘇無錫勸學所紳士呈金令文略云本所職司勸學凡有地方紳士熱心興學者皆當據實上聞前因蕩口鎮華紳鴻模獨力捐建果育高等小學校曾於去年移請趙前縣轉詳請獎在案惟去年造具該校成績各冊僅請獎給實官漏未指明官職查慨助學堂經費專案請獎者例照原定捐章五成核算必須核計銀數指請給獎以符定章現在該紳所捐該校開辦經費及基本產共有二萬五千三百兩之多擬請將該紳之孫分部郎中華士巽獎以道員不論雙單月分省補用該紳之侄孫華士鼎獎以郎中不論雙單月分部學習合諸捐例五成實銀尙屬有盈無絀爲特移請轉詳學憲覆核施行

圖書館擇吉興工○江蘇常州府武陽建築圖書館稟奉端午帥批准並倡捐洋五百元以襄盛舉日前已由創議諸紳會同陽湖縣陳大令在忠義祠後丈量基地計圈用地一畝四分有零業已擇吉興工預算建築費四千元除督帥捐助外均由惲紳莘耘擔任籌措聞落成後郡城各藏書家如惲氏沈氏屠氏錢氏皆願將藏書捐入云

飭籌醫學堂辦法○皖撫朱經帥日前據法政學員通判楊慶霖稟請提倡醫學並縷陳辦法多條當以醫學列之專門攸關生命發端之始操術宜精必須博考古經合參西法乃爲完善已行知藩學兩司會同核議將如何設法籌辦之處詳候核奪矣

### 軍政

兵學館擬給獎勵○陸軍部兵學館係爲各司員非由學堂出身者藉以研究學業而設因無獎勵以致入學者甚屬寥寥現聞堂憲擬量爲變通各學員如畢業後准按軍官學堂畢業獎勵法辦理以昭激勵

派員勘測近畿操地○陸軍部鐵尙書日前派員在海甸玉泉山一帶勘測地勢是否適於秋操之用以便決定入奏聞係因前勘定之灤州邊安縣操地距京稍遠且不甚合宜云

擬創設軍事白話報○安徽余協統具詳撫院云竊維軍隊之改良必期教育之普及而普及之法莫如就軍事上之研究並所經歷著爲學報尤莫如就所研究所經歷者一一演爲白話使人人易曉俾可激發忠義啓迪智識斯收效爲最多也職協上年到差刊發目兵白話訓言本年正月又刊發第一次白話演說疏文淺義務使目兵

皆能披讀皆能了解職協事務殷繁不能時有撰述於教育普及之法殊為缺憾茲擬創一軍事白話報以在軍界之各官佐選其學問優長閱歷較富者擔任著述為義務幹員不支薪水管帶以下各員擬由職協檄委管帶以上各員應再開單呈請憲台加札以重責成而示優異報例內容計分七類一關於軍事之詔令二通論三精神講話四軍事歷史五軍事地理六軍人衛生七近事之有關軍隊者每十日交稿一次送由協署選刊義務幹事員外另設總纂一員幫總纂一員專司編輯兼任撰著每月印報三期每期二十頁左右於逢五出版各目兵均發閱一份暫取紙張印刷等費每人月共一角其開辦之費及經常或不給均由職協籌認不請公款將來辦有成效擬再逐漸擴充並附設武學圖書館總以發揚精神融養性質似於軍政前途不無裨益至所收報費並開支各款仍按月呈報以昭核實所有籌擬創辦軍事白話報緣由是否有當理合連同擬定簡章備文詳請仰祈憲台鑒核批示祇遵

## 實業

札飭維持錫金農會○江督端午帥札常鎮道文云准農工商部咨據錫金農務分會總理周道廷稟稱開辦錫金農務分會並將簡章二十三條繕摺呈核現擬入手辦法如試驗肥料組織公司擇墾荒地籌設學堂講授書報等請假以時日酌量籌辦惟會所事權甚微應請咨商江督蘇撫札飭地方官凡遇關係農務各事悉心提倡假以事權農會開辦經費現由職道擔任應請札飭錫金兩縣統籌的款實力維持等因前來查所稟各節自係為整頓農業起見惟事關地方相應抄錄原稟咨行貴督查照飭下各該縣會同該道妥籌辦理本部堂准此查該總理周道廷稟陳各節均於振興農業前途大有關係自應由地方官實力輔助以期推行盡利惟所請由官籌款一節必須體察地方情形從長計議如擬動用公款更須詳加斟酌妥議章程預先通稟核准立案再行動撥札到該道即便轉飭錫金二縣遵照併調取該會此次重訂章程會商總理周道安籌辦理隨時具覆察核罪犯工藝所開辦情形○杭垣罪犯工藝所借下城龍興寺已於上月二十一日開辦是日督辦李橘農廉訪會辦王伯安觀察及仁錢兩縣庶務員彭我新大令等均在所提議嗣後每逢四七之期首府縣須到所集議一切事務俾便參酌辦理其經費一節現由藩司顏方伯籌撥公款銀一萬兩將來設有不敷再行商請添撥云

驅除害蟲試驗

發生時

被害狀

驅除法

葉捲虫

五月至七月

捲茶葉作繭

初出用番茄葉水撒

羽化虫

五月至七月

吸刺茶芽成黑色及棕色之小點

用煙草薰之或用收蛾燈以收之

綠豆虫

五月至六月

莖葉受枯

幼時用火油吹之使斃成虫後用收蛾燈

青蛛虫

五月至七月

捲茶葉為巢

用菊粉末或石灰水撒亢旱須清晨捕之

地蠶虫

二月至三月

在土內食茶葉嫩根鬚

多在土內尚易搜捕

此外發現之虫如香油虫 螞蟻 尺蠖 蚱蜢 之類尚不甚為害

己未移栽試驗本年第一次試驗

立秋前七日試驗

同 尺寸上

同 尺寸上

分栽之茶

大 尺寸分

中 尺寸上

小 尺寸上

未栽之茶

大 一二五

中 八〇五

小 六〇五

己未移栽試驗本年第二次試驗

丁未年茶秧

秋分前五日試驗

同 尺寸上

同 尺寸上

分栽之茶

大 一〇〇分

中 七〇分

小 五〇分

未栽之茶

大 一三〇〇

中 一〇〇〇

小 八〇〇

按本年已經分栽之茶較未經分栽之茶生長尺寸差率甚大以春間方經移動夏季之長養力停頓又加以夏秋亢旱故也

預算 公所為提倡起見事事宜求核實不向外觀本年青龍山桃源之地方始興墾明春兩山分栽培護尤須注意兩年之後逐漸見利矣惟自明年秋季起有種種預備及一切注意之事

一機器 查印錫之茶製法簡而成本輕全在機器器分碾揉烘焙篩青篩乾揚切裝箱六種其轉運引擎則或借水力或用電力或燒木柴石油因地可以制宜公所既爲華茶改良之模範自應預備機器並應按照購買之機器尺寸另出簡易新法改造人力小機以便頒發內地商廠革除手足碾揉諸舊法此宜注意者一也

二廠屋 查錫蘭全島除海濱盡椰林平田多禾穀外其高山如中省之紐瓦臘塞巴臘千母省之亞當頂等地已盡闢茶園茶廠大小三百餘所大吉嶺五十一英里之內多植茶樹茶廠有二十餘處印度之阿薩墨獨瓦耳等處則更廠房林立大概至小廠屋須七楹七開間之樓房一座引擎房一間足敷碾機二架烘機一架篩機二架切機裝箱機各一架之地位須寬暢涼爽通氣樓上能晾茶爲度公所附近雖有霹靂澗而水力較微能否運機尙無把握且路途距鐵道太遠似應借用別項相宜廠屋此宜注意者二也

三採摘 查印錫茶園於採頭茶時大概僅採二葉一苞爲度其第三片新葉則留於枝上以資再苞新芽蓋採摘愈少本力愈足二茶愈佳而愈多也各省採摘尺寸皆先由廠經理巡視本日某區應採一葉半或二葉由督工傳知工人如法採摘倘繳茶入廠驗出茶筐內有老葉枝梗及尺寸不符處即扣罰工資故生葉勻淨一律（中國於此事尙不注意以致焙乾再揀費工資甚多）至於採工錫蘭每日男工盧比三角五分女工二角五分大孩二角小孩一角五分大吉嶺則土人貧苦每月女工不過三盧比小兒不過二盧比中國內地茶山男女工價均昂江南雖無茶樹然公所距城不過五里分所不過二十餘里將來採工工價問題在此時銀荒錢賤尙難預定此宜注意者三也

此外晾青碾壓篩團變紅烘焙篩分揚切裝箱諸法尙須廠工輾轉傳習而搭莊代賣或逕運出口則須切實調查至於禁止手足碾揉（外人稱華茶有碍衛生第一係手足揉之不潔）酌設專修學校（亟宜於實業學堂添設此科）劃一洋裝商標（近時洋經紀流弊甚大非劃一商標自運自銷不足杜混和攙雜諸弊）以及內地商廠改收青葉烘製（雜收半乾茶最難一律且費人工）皆關係華茶全局之改良現公所雖係初創然通盤籌畫事務至爲繁重所貴逐年預備次第籌辦以樹表式爲開風氣之先將使湘鄂皖贛浙閩等省凋敝之茶山（近因茶價日低茶山任其荒蕪者所在多有）通力合作除舊更新結全國茶業之團體握五洲商務之利權具以江南爲嚆矢焉




圖 二 第 昌 宜 北 湖

鄭亮翁粵人也久客澳洲在該處肇啓丕基廣於交遊實華僑之領袖邇者思與鹽膾過回羊石與家人慶叙團圓復於糖城之故衣街門牌念七號夥開仁信藥房其門如市適本局調查人員造訪蒙鄭君將澳洲往事詳細重題遂及韋廉士大醫生紅色補丸一節據云○余寓居加路頓埠者已十又八年矣此埠在澳大利亞之西境余在該埠販運什貨生意頗旺兼售天下馳名韋廉士大醫生紅色補丸英國所出之調血妙藥消流甚大全澳家常之藥

## 西來新妙



廣東鄭亮翁先生像

以此為最以余見聞所及該埠之人服而愈病者甚夥自我回華之後見中國內地各處均有此丸發售實屬欣慰無暨此乃西來新妙理合傳揚村思此丸近廿年間在外洋各邦經已屢立奇効則其將來之有大造於我四萬萬同胞者無待著龜矣查得此丸為補血補腦之良劑益氣益筋之妙品澳洲之人犯此症者莫不奉之如神明此丸又能立愈積滯不化肝經不和風濕骨痛種種各病此丸功深用廣名實相副故敢表而出之

以為世告凡我同胞廣為傳佈幸甚幸甚○全球之上所售之藥其消場之大以韋廉士大醫生之紅色補丸為最每逢羣醫束手愈稱不治之症得此丸之力而死裏逢生者以千萬計或向上海九江路第八號加B字門牌韋廉士大醫生藥局採買亦可 每一樽價英洋一元五角 每買六樽價銀英洋八元正 上海九江路B字第八號韋廉士大醫生藥局啓

## 瑞林祥元記 綢緞洋貨莊

本號開設(北京前門外鮮魚口)(天津估衣街中間路北)(山東濟南府院西路北)等處目置綢緞洋貨顧繡粧疋花素貢絨絳緞各色抖蓬哈叻厚呢以及京廣什貨織絨綫貨各色俱全貨高價廉劃一不二中外 紳商賜顧移玉是幸 瑞林祥元記具

## 北洋灤州官礦公司設立接待處廣告

啓者本公司現時暫任玉皇閣工藝局內附設頭門以內立有接待處凡遇紳商士庶枉顧或繳股款或取息銀均請逕到接待處晤談該處派有安員專司其事又漁業公司接待處亦附設在內凡來賓因漁業事件惠臨者均一律辦理此啓

天津商務印書館新書出版月正年本

嚴又 訂正羣學肄言 此書官所以治羣學之法律書凡十六篇前經嚴又陵先生譯出行世備受海內歡迎茲經重加訂正以版權歸本館津裝精緻大為改觀每册定價一元

小學等 女子國文教科書 本館前編初等小學國文教科書八册一年間已疊六版近又承學部審定其價值可不待言此書即前書而作所採材料仍以女子必需之道德智識為主而於家政女工衛生官之尤詳全書四册先出第一册定價大洋二角

學部改訂 近世化學教科書 日本大幸勇吉著李季烈譯○上篇述無機化學第三篇述有機化學學部審定近世化學中實驗理論之關係係解說甚詳每册定價洋八角五分

新理 初等代數學 王家漢譯壽孝天校○是書久已膾炙人口於譯述之時說力求顯明問題時有酌易深深得原書之精意而不拘守原書之面目最適於我國之用每部一元二角

新編 初等三角法教科書 日本飯島正之助著周憲譯○上篇述銳角之圓函數下篇述普通三角之圓函數定善本也每册定價二角半

家計簿記教科書 奏定高等小學章程列各國記於算術科是書就家計以發凡詳論簿記之法書分九章書即通行舊例經商者職司會計者瀏覽此書亦其有益每册八角

鄭富 新法英文教程 此書寓文法於讀本使學者易於領悟而於文法八部之總則及其云讀之時間尤為注意每句詳解清晰未附釋義及解字兩門凡用斜體字處可檢釋義其難字可檢解字使閱者一目了然每册定價八角

堀維文 日語讀本 內堀維文君現任山東高等小學堂日語教授歷年既久閱歷尤深茲以其經驗材料編成此書體例清新程度適合誠為學日語者之寶筏也每部四册每册一元四角

小勸等 鉛筆習畫帖 本館前出高等小學鉛筆習畫帖已承學部審定是書編繪之法與前書相應而筆法甚為簡易便於初學學部審定每册各二册每册一元四角

林譯 鍾乳圖體 英國哈葛得原著○此書大致似露中人出於老獵戶戈德門自述歸本於享利之友愛乃以尋覓其弟之故至於犯惡癩絕沙漠飢渴而死成所不惜體之足以愧天下之閱者每部定價六角

林譯 天囚懺悔錄 是書叙一人誤殺其友出亡天良受種種苦惱後流落荒島自力懺悔改行為善卒得善終其間叙航海寶藏金及孤島中生活以及男女愛情筆意綿綿徘徊纏綿人每册定價五角

新譯 匈奴奇士錄 許其兄報寶此會王又誘惑一公爵思獲其夫人設種種奸謀不特遂公爵夫人卒嫁與摩陀爾人情節離奇詭譎古雅每册定價四角

新譯 模範町村 日本農學博士橫井時敏原著○此書以改良地方自治之理想假託一人久客歸鄉所見所與從前大異所說事實均依據學理可見實行今吾國方注意地方自治此書頗實模範不當僅作小說觀也每册定價三角

開設河北大胡同電話五百二十六號

啟新 洋灰有限公司廣告



啟者本公司係承唐山洋灰公司老廠另購外洋最新式機器旋密等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精寄由德國國家柏林及日本關東都督府各化驗所驗得勁力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連烟台莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

啟新洋灰有限公司磚窑招股滿額廣告

啟者本公司前經登報添招磚窑股本三十萬元截至三月十五日兩個月期限認股業已滿額凡有未交股本務請照章於收股限內繳齊五月十五日以後一律截收此布



本行開設天津 於茲二十餘年 自運各種洋貨 絨紗布匹綢緞 繡化屏風鏡額  
磁銅料器瑤藍 奇巧美術玩器 學界文房用品 旅行携帶等件 精工製身物料  
定織各色磨氈 現又擴充樓房 極其寬闊高大 如蒙官商光顧 價值格外從廉  
本行隨便入覽 電話一千三百七十四號 天津法租界 武齋洋行謹啟

# 天津勸工陳列所廣告

謹將勸工陳列所四月分所有售票數目及代售各商貨品件數開列於左 計開 優待票共五十六位

入覽 參考

客票共 六百七十七位 四次禮拜五 入覽 女客票 一百九十六位 代北京農工商部工藝局售出貨品三十六位 五百六十八位 參考 一百七十三位

件 代北京工藝商局售出貨品一件 代天津實習工場售出貨品四百三十九件 代天津教育品製造所售出貨品二件 代天津同陞號售出貨品六件 代天津芝蘭香公司售出貨品一百六十八件 代天津公益造

贖公司售出貨品六百六十八件 代天津造贖有限公司售出貨品一千件 代天津鴻興汽水公司售出貨品四十八件 代天津文美齋售出貨品一件 代天津益豐成售出貨品十五件 代唐山述記公司售出貨品一

件 代大城縣工藝局售出貨品三十九件 代四川勸工總局售出貨品六件 以上統共售出貨品二千四百

三十件 天津勸工陳列所謹啟

三十件

## 平和戒烟醫局廣告

啓者敝同人創設戒烟醫局原屬拯濟爲懷欲將天下人沈疴洗除淨盡無各博施濟衆堯舜不能且爲日甚長的款無着是以原定章程酌收藥資以助經費前因開局以來到局戒烟者固不乏人而因此觀望者仍屬不少故本局公議自二月初一日起至三月底止特贈醫三個月以示普濟之意味下期限屆滿戒烟者百數十人在局服藥者尙有百數十號成效已着人所共知不待本局贅述也本擬再行續贈特因經費不敷力與心違倘長此不收藥資斷難經久萬一半途而廢是公益之舉不但有始無終亦非本局樂善好施之本意茲復公同再四籌商仍議定照舊章辦理除三月內掛號服藥者仍贈醫不計外凡自四月初一日起來局戒烟之人必須先交藥資十兩如有不能現交者必須覓有妥實舖保力爲擔承方准掛號其煙癮過大用藥較多者隨後核算至多亦不過再取藥資一二十金至癮斷之後捐助本局經費則視乎本人之力量體面耳凡有志戒烟者須知本局收取藥資乃係不得已之苦衷本局設立既久名譽效驗昭昭在人耳目想爲 諸君所共悉而共諒也此佈 平和戒烟醫局告白

# 本局印售各種書籍圖畫目錄

澄衷學堂字課圖說  
 天文歌略  
 地球歌略  
 小學韻言  
 小學韻語  
 蒙養學堂百課  
 最新初等小學國文教科書  
 初等中國歷史教科書  
 心算初學  
 最新初等小學筆算教科書  
 初等小學筆算教科書教授法  
 忠經  
 英文學隔  
 東文典問答  
 地文學問答  
 皇朝政治學問答增校初二編  
 節本泰西新史攬要  
 筆算教科書  
 數學上編  
 普通新智識課本  
 中等植物教科書  
 中學礦物教科書  
 高等小學博物教科書  
 生理衛生學  
 化學教科書  
 中學地理中國誌

八本洋二元  
 一本洋三分  
 一本洋一角五分  
 二本洋二角  
 一本洋一角五分  
 一本洋四分  
 二本洋三角二分  
 二本洋一元  
 二本洋紙洋五角  
 二本洋紙洋四角  
 二册洋三角六分  
 合售洋三角六分  
 一本洋紙洋五分  
 一本洋二角  
 二本洋二角五分  
 一本洋二角  
 二本洋五角  
 二本洋紙洋四角  
 二本洋紙洋三角五分  
 二本洋紙洋五角  
 二本洋紙洋四角  
 二本洋一元二角  
 二本洋四角  
 二本洋四角  
 二本洋紙洋七角五分  
 一本洋紙洋七角  
 二本洋四角  
 一本洋二角五分  
 一本洋紙洋四角五分  
 一本洋紙洋三角五分  
 一本洋紙洋二角五分  
 四本洋六角

植物學教科書  
 皇朝政典舉要  
 萬國憲法比較一本  
 法學通論  
 萬國通商史  
 新爾雅  
 康熙幾暇格物編  
 周禮政要  
 明夷待訪錄  
 普通教科書目提要  
 科學書目提要初編  
 心算教授法  
 萬國公法提要  
 甲辰年學報彙編一百種  
 乙巳年學報彙編  
 丙午年學報彙編  
 全年學報彙編  
 農學新書三十五種  
 日本栽桑捷法  
 美國養雞法  
 農務述聞  
 畿輔輿地全圖  
 御製耕織圖  
 朝鮮輿地全圖  
 地球開闢次序圖  
 平圓地球圖  
 東三省鐵路全圖

一本洋紙洋二角五分  
 四本洋五角  
 一本洋紙洋三角五分  
 一本洋七角  
 一本洋二角  
 二本洋三角五分  
 二本洋四角  
 二本洋六角  
 一本洋二角  
 一本洋五角  
 一本洋一角五分  
 一本洋紙洋三角五分  
 四本洋一元  
 五十本洋二元七角  
 四十本洋四元二角  
 廿四本洋四元八角  
 廿二本洋五元六角  
 一本洋一角二分  
 一本洋三角  
 一本洋四角六分  
 六扇屏洋二元  
 二册洋五角  
 一張洋一角  
 一册洋一元  
 三十二張洋一元  
 一張洋八角

# 本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

## 本局售報價目

本埠售價官報按日一冊每月三十冊收價銀六角零購者每冊洋銀二分  
 法政學報十日一冊每月三冊收價洋六角零購者每冊二角  
 兩種合購每月收洋一圓二角  
 各州縣報價交銀者除額定銷數照舊收銀九錢外額外分購者統照本埠例

## 德盛洋行告白

啓者本行在德租界德國提督本宅內所拍紅色絨客房一堂日本竹器傢俱一堂大立櫃一座黑色木寫字台一座大穿身鏡一架大銅床一座賽擺架一架廚房所用器俱無一不備並乾隆老年各花樣古磁超等坐鐘一架各樣零用物件無一不全是日請諸君早臨是幸  
 西歷一千九百九年六月十六日 即禮拜三下午三點半鐘  
 宣統元年四月二十九日

## 工商演說廣告

啓者五月初三日晚八鐘至十一鐘仍在東宣講所內演說工商各項要理並請劉巨川先生續演生財有大道韓鏡湖先生演說發電機之製造與功用紀管涔先生續演銀錢漲落之理李子鶴先生續演商業機關籌務希各工商屆時 惠臨入聽不取分文特此佈告

天津勸工陳列所啓